



Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Nezavisni odbor

Broj: 01-04- 77- 171 /25
Sarajevo, 27.05.2024. godine

SKUPŠTINA KANTONA SARAJEVO

O V D J E

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli - septembar 2024.godine - dostavlja se

Nezavisni odbor na sjednici održanoj dana 27.05.2025. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli – septembar 2024. godine, a u skladu s članom 45. stav 5. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, informativno.



PREDSJEDAVAJUĆI NEZAVISNOG ODBORA

Adis Šečić





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

NEZAVISNI ODBOR

Broj: 01-04-77- 17 /25

Datum: 27.05.2025.godine

Na osnovu člana 45. stav (1) tačka 5. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/2016, broj: 6/2019 - autentično tumačenje, broj: 26/2019, broj: 31/2019 i broj: 39/2020) i člana 8. stav (1.) tačka 10. Poslovnika o radu Nezavisnog odbora („Službene novine Kantona Sarajevo“, br. 13/22 i 52/22), Nezavisni odbor Skupštini Kantona Sarajevo podnosi:

I Z V J E Š T A J **o radu policijskog komesara Uprave policije Ministarstva unutrašnjih poslova** **Kantona Sarajevo** **za vremenski period juli – septembar 2024. godine.**

Nezavisni odbor Skupštine Kantona Sarajevo je sačinio detaljni tromjesečni izvještaj o radu Policijskog komesara na osnovu sljedećih pokazatelja:

- Izvještaja Policijskog komesara o svom radu za period juli-septembar 2024. godine,
- Informacija o aktivnostima Uprave policije za mjesec juli, avgust i septembar 2024. godine,
- Informisanja Nezavisnog odbora od strane Policijskog komesara na redovnim sjednicama u toku izvještajnog perioda,
- Informacija Uprave policije po raznim događajima, koje su tražene od strane Nezavisnog odbora tokom izvještajnog perioda,
- Kao i druge relevantne informacije za sačinjavanje izvještaja.

1. Organizacija i sistematizacija radnih mjesta u Upravi policije

U skladu s Pravilnikom o unutrašnjoj organizaciji Ministarstva unutrašnjih poslova Kantona Sarajevo br. 01-7-02-4934/21 od 16.02.2022. godine, u Upravi policije ukupno je 2.436 sistematizovanih radnih mjesta, i to 2.122 (87,11%) radnih mjesta za policijske službenike, 73 (3%) za državne službenike i 241 (9,89%) za namještenike.

Prema podacima iz službenih evidencija nadležne organizacione jedinice, na dan 30.09.2024. godine, poslove i zadatke policijskih službenika obavlja 1.311 (61,78%) izvršilaca. Upražnjeno je 24,48% sistematizovanih radnih mjesta namještenika, te 21,92% državnih službenika.

Prema podacima iz službenih evidencija u Upravi policije MUP-a Kantona Sarajevo, na dan 30.09.2024. godine, upražnjeno je 811 (38,22%) radnih mjesta policijskih službenika.

Na dan 30.09.2024. godine, ukupno 26 (1,98%) policijskih službenika je suspendovano.

Ukupno 45 (3,43%) policijska službenika bila su na bolovanju dužem od 42 dana, dok je u izvještajnom periodu ukupno 302 (23,04%) policijskih službenika bilo spriječeno za rad po osnovu bolesti. Ukupan broj dana bolovanja je 5.236 radnih dana.

U izvještajnom periodu, 24 policijska službenika su penzionisana, dok su u istom periodu penzionisana i 3 namještenika.

2. Rukovođenje Upravom policije, te neposredno usmjeravanje i koordinacija operativnih aktivnosti iz oblasti kriminaliteta, javnog reda i mira, te saobraćaja:

Policijski komesar je izvještajnom periodu osiguravao saradnju sa drugim policijskim organima i agencijama za sprovođenje zakona BiH, tužilaštvima i međunarodnim organizacijama po pitanjima iz nadležnosti Uprave policije.

3. Kriminalitet

3.1 Statistički pokazatelji

U periodu od 01. jula do 30. septembra 2024. godine, na području Kantona Sarajevo, prema službenim evidencijama Uprave policije MUP-a Kantona Sarajevo, evidentirano je 867 događaja s obilježjem krivičnog djela, što je za 108 ili 11,08% manje u odnosu na uporedni period prošle godine.

Od ukupnog broja registrovanih događaja s obilježjem krivičnog djela, njih 413 ili 47,64% evidentirano je po poznatom, a 454 ili 52,36% po nepoznatom izvršiocu. Naknadno su rasvijetljena 263 događaja s obilježjem krivičnog djela evidentirana po nepoznatom izvršiocu, od čega 157 događaja prijavljenih u posmatranom periodu, a 106 ranije.

Prijavljene su 652 osobe (26 ili 4,15% više), od kojih je 361 povratnik u vršenju krivičnih djela, što je za 3 ili 0,82% manje u odnosu na uporedni period, i ova kategorija čini 55,37% od ukupnog broja prijavljenih. Među prijavljenima je 17 maloljetnika, što je za 11 ili 183% više u odnosu na uporedni period. Ukupno 297 osoba je lišeno slobode, što je za 37 ili 14,23% više.

Za događaje s obilježjem krivičnog djela, prema izjavama oštećenih, nastupila je materijalna šteta u ukupnom iznosu od 1.102.090,80 BAM, 194.300,00 €, 1.100,00 CHF, 200,00\$ i 100,00 AUD - ukupne protuvrijednosti u KM: 1.484.877,49 KM što je za 146.621,98 BAM više u odnosu na uporedni period.

U izvještajnom periodu, Uprava policije MUP-a Kantona Sarajevo je Kantonalnom tužilaštvu KS prosljedila na odluku putem administrativnog djelovodnika ukupno 505 obavijesti (98 više), od čega je naknadno rasvijetljeno 24 (12 više) i prosljeđeno tužilaštvu pod brojem iz krivičnog upisnika kao događaj s obilježjem krivičnog djela.

Policijski komesar je svakodnevno ostvarivao neposrednu usmenu i telefonsku komunikaciju, kao i pisanu korespondenciju s načelnikom Sektora kriminalističke policije, načelnicima odjeljenja u sektoru, kao i načelnicima policijskih uprava, a s ciljem davanja konkretnih uputa pri izvršavanju poslova i zadataka, te konsultacija u vezi s pojedinim konkretnim predmetima od posebnog značaja. Posebna saradnja je ostvarena sa Sektorom kriminalističke policije gdje je preduzimao mjere i radnje nadzora i animiranja rada odjeljenja koja su nadležna za rasvjetljavanje najtežih oblika krivičnih djela iz oblasti *privrednog kriminala, imovinskih, krvnih i seksualnih delikata, zloupotrebe*



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

opojnih droga i kriminalističko-obavještajnog rada, te je direktno ili indirektno putem načelnika Sektora koordinirao aktivnostima svih odjeljenja i davao odgovarajuće upute i smjernice. Također, osiguravao je efikasniju saradnju s drugim agencijama za provedbu zakona, a kroz direktnu komunikaciju s rukovodiocima tih agencija/institucija, među kojima su Obavještajno-sigurnosna agencija BiH, Tužilaštvo BiH, SIPA, Granična policija BiH, Služba za poslove sa strancima BiH, Direkcija za koordinaciju policijskih tijela BiH, Federalna uprava policije, Kantonalno tužilaštvo Kantona Sarajevo, MUP RS i kantonalni MUP-ovi.

U izvještajnom periodu evidentiran je rast krivičnih djela u oblasti protiv života i tijela (5 ili 11,36% više), protiv braka, porodice i mladeži (21 ili 20,79% više), protiv sigurnosti javnog prometa (7 ili 28% više), protiv javnog reda i pravnog prometa (5 ili 11,9% više), a smanjenje broja krivičnih djela protiv slobode i prava čovjeka i građanina (10 ili 12,82% manje), protiv zdravlja ljudi (04 ili 5,26% manje), protiv spolne slobode i morala (1 ili 11,11% manje), protiv privrede, poslovanja i sigurnosti platnog prometa (1 ili 33,33% manje), protiv opće sigurnosti ljudi i imovine (5 ili 15,62% manje) protiv imovine (118 ili 23,32% manje) i protiv pravosuđa (1 ili 20% manje).

Kada su u pitanju aktivnosti Uprave policije koje se odnose na primjenu Zakona o zaštiti nasilja u porodici Federacije BiH, u izvještajnom periodu prijavljeno je **120** slučajeva nasilja u porodici, u **121** slučaju podneseni su izvještaji o počinjenom krivičnom djelu iz člana 222. KZ BiH nadležnom tužilaštvu, izrečeno je 312 zaštitnih mjera i utvrđeno je 47 kršenja zaštitnih mjera.

U izvještajnom periodu iz oblasti podmićivanja i krivična djela protiv službene i druge odgovorne funkcije evidentirana su 04 događaja (03 ili 300% više).

Najviše krivičnih djela evidentirano je u PU Novi Grad (200 ili 23,07%), a najmanje u PU Ilijaš (37 ili 4,27%).

Od 01. jula do 30 septembra 2024. godine, 156 objekata, kako ugostiteljskih, tako i onih u kojima se priređuju igre na sreću, bilo je predmet operativnih-taktičkih mjera racija (blokada). Tom prilikom, kontrolisano je 2.276 osoba, kao i 42 motorna vozila.

4. Javni red i mir

4.1 Statistički pokazatelji

Tokom izvještajnog perioda, u oblasti protiv javnog reda i mira evidentirano je 1.259 prekršaja, što je za 156 ili 14,14% više u odnosu na uporedni period.

Prijavljeno je 1.349 osoba, što je 204 ili 17,82% više u odnosu na uporedni period. Evidentirano je 205 povratnika u vršenju prekršaja, odnosno 15,2% od ukupno prijavljenih.

Izdato je ukupno 1.049 prekršajnih naloga (64 ili 6,5% više) i podneseno 226 zahtjeva za pokretanje prekršajnog postupka (108 ili 91,53% više).

Na prekršaje utvrđene Zakonom o prekršajima protiv javnog reda i mira odnosi se 1.139 što je 84,43% od ukupnog broja prekršaja, a na prekršaje utvrđene odlukama općinskih vijeća o javnom redu i miru odnose se 120 prekršaja ili 8,89%. Prilikom narušavanja javnog reda i mira 8 osoba zadobilo je lakše povrede (21 ili 72,4% manje).

Prema **mjestu izvršenja**, najveći broj prekršaja evidentiran je na ulici i drugim otvorenim prostorima (1.206 ili 95,79%), zatim na mjestima koja spadaju u kategoriju *ostalih* (39 ili 3,1%), ugostiteljskim objektima (13 ili 1,03%), te trgovinskim radnjama (01 ili 0,08%). Najviše prekršaja evidentirano je na području PU Ilidža (240 ili 19,06%), a najmanje u PU Vogošća (63 ili 5%).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

4.2 Javna okupljanja

U izvještajnom periodu Policijski komesar je preduzeo potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, te od Sektora za policijsku podršku, Sektora kriminalističke policije i Sektora uniformisane policije zatražio sačinjavanje cjelovite analize u vezi s provedenim mjerama i radnjama prilikom vršenja osiguranja, kao i podatke o ostvarenim rezultatima i uočenim nedostacima i nepravilnostima za vrijeme provođenja aktivnosti na osiguranju.

Policijski službenici Uprave policije proveli su planske aktivnosti u cilju bezbjednog održavanja 804 javna skupa (61 ili 8,24% više), a u 187 slučajeva izvršeno je KDZ osiguranje.

4.3 Pratlje i osiguranja

Policijski službenici Uprave policije MUP-a Kantona Sarajevo su izvještajnom periodu izvršili 238 saobraćajnih osiguranja, 41 pratlju ličnosti i delegacija, te 850 pratlji vanrednih/vangabaritnih prevoza.

5. Saobraćaj

Policijski komesar je u izvještajnom periodu nalagao provođenje pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskršnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

5.1 Statistički pokazatelji

U sklopu tih aktivnosti, policijski službenici su kontrolisali ukupno 51.440 vozila i vozača, što je za 6.523 ili 11,25% manje u odnosu na uporedni period. Zbog kršenja propisa, vozačima su uručena 73.992 prekršajna naloga (16.396 ili 28,4% više), te su podnesena 252 zahtjeva za pokretanje prekršajnog postupka (312 ili 55,32% manje). Registrovana su 32 događaja s obilježjima krivičnog djela zbog ugrožavanja sigurnosti saobraćaja, što je za 07 ili 28% više u odnosu na uporedni period.

Zbog tehničke neispravnosti, iz saobraćaja su isključena 103 vozila (20 ili 24,1% više), 1.064 vozača su zatečena da vozilom upravljaju pod dejstvom alkohola (29 ili 2,65% manje), 1.007 vozača je sankcionisano zbog nekorištenja sigurnosnog pojasa (267 ili 20,96% manje), 274 osoba je zatečeno da upravljaju vozilom bez položenog vozačkog ispita (225 ili 45,09% manje), 94 vozača su zatečena da vozilom upravljaju u vrijeme izrečene zaštitne mjere zabrane upravljanja motornim vozilom (77 ili 45,03% manje), 1.405 vozača je sankcionisano zbog nepropisnog korištenja mobitela tokom upravljanja vozilom (427 ili 23,31% manje). Otkriveno je 1.767 vozila da učestvuju u saobraćaju bez važeće registracije – 2.837 ili 61,62% manje.

U izvještajnom periodu, od višestrukih povratnika u vršenju prekršaja iz oblasti ZOOBS-a, privremeno je oduzeto 71 vozilo.

Na području Kantona Sarajevo tokom izvještajnog perioda evidentirano je 2.619 saobraćajnih nezgoda, što je za 99 ili 3,93% više u odnosu na uporedni period. Od ukupnog broja nezgoda, njih 2.384 su sa materijalnom štetom (94 ili 4,1% više) – što čini 91% svih nezgoda, a 235 s nastradalim osobama (05 ili 2,17% više).



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

U naseljima je registrovano 2.357 saobraćajnih nezgoda (90%), a van naselja njih 262 (10%).

Prema kategoriji puta, saobraćajne nezgode su registrovane: na ulicama u naselju – 1.998 (76,29%), na magistralnim putevima – 191 (7,29%), na lokalnim putevima - 201 (7,67%), na regionalnim putevima - 59 (2,25%), te na putevima koji se ubrajaju u kategoriju *ostalih* - 170 (6,49%). Prema karakteristikama puta, saobraćajne nezgode su registrovane: na raskrsnicama u naselju - 313 (11,95%), na raskrsnicama van naselja - 89 (3,4%), na pješačkim prelazima - 40 (1,53%), na mostu - 13 (0,5%), u tunelu - 02 (0,08%), te na putevima koji se ubrajaju u kategoriju *ostalih* - 2.162 (82,55%).

5.2. Posljedice saobraćajnih nezgoda

Tokom izvještajnog perioda, u saobraćajnim nezgodama poginule su tri osobe (dvije manje) - dva vozača i jedan putnik. Povrijeđene su 304 osobe, od kojih su 33 (10,85%) zadobile teške tjelesne povrede, a njih 271 (89,15%) je lakše povrijeđeno.

Među teško povrijeđenima je 19 vozača (57,58%), 04 putnika (12,12%) i 10 pješaka (30,3%).

Među lakše povrijeđenima je 171 vozač (63,1%), 76 putnika (28,04%) i 24 pješaka (8,86%).

5.3. Uzroci saobraćajnih nezgoda

Uzroci saobraćajnih nezgoda u izvještajnom periodu su bili sljedeći:

- nepropisno izvođenje radnji u saobraćaju – 541 ili 20,66%
- neprilagođena brzina – 298 ili 11,38%
- kretanje vozilom unatrag na kratkom dijelu puta – 122 ili 4,66%
- nedržanje potrebnog odstojanja – 116 ili 4,43%
- uticaj alkohola – 33 ili 1,26%
- negiranje prvenstva prolaza – 26 ili 0,99%
- nedržanje vozila u kretanju što bliže desnoj ivici kolovoza – 21 ili 0,8%
- propuštanje održavanja puteva – 04 ili 0,15%
- obaveza vozača prema pješacima – 04 ili 0,15%
- nepropisno parkiranje – 02 ili 0,08%
- prolazak kroz crveno svjetlo – 01 ili 0,04%
- nepoštivanje saobraćajnih znakova – 01 ili 0,04%
- teret na vozilu – 01 ili 0,04%
- *ostali* uzroci – 1.449 ili 55,33%.

5.4. Preduzete aktivnosti nakon saobraćajnih nezgoda sa smrtnom posljedicom ili teške tjelesne povrede kod tri ili više osoba

U periodu od 01.07. do 30.09.2024. godine na području Kantona Sarajevo dogodile su se 3 saobraćajne nezgode koje su za posljedicu imale smrt ukupno 3 osobe. Tom prilikom smrtno su stradali: jedan vozač motocikla, jedan vozač putničkog motornog vozila i jedan putnik, a u jednoj od navedenih saobraćajnih nezgoda sa smrtnim ishodom, teške tjelesne povrede zadobili su jedan vozač i jedan putnik. Odjeljenje za saobraćajne istrage je odmah po zaprimljenim obavještenjima o



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

istima upoznala postupajućeg tužioca KTKS, a sukladno odredbama člana 25. stav 5. Zakona o uređenju saobraćaja u Kantonu Sarajevo, Ministarstvu saobraćaja KS dostavilo odgovarajuću informaciju kako bi preduzeli dalje mjere i radnje iz svoje nadležnosti.

6. Ostali poslovi i aktivnosti policijskog komesara

Policijski komesar je preduzimao sve mjere i radnje, uvažavajući zakonske i podzakonske odredbe, prioritete date od strane Vlade Kantona Sarajevo, Komisije za sigurnost Skupštine Kantona Sarajevo i Nezavisnog odbora Skupštine Kantona Sarajevo, a tokom izvještajnog perioda ostvario je kvalitetnu saradnju s ministrom unutrašnjih poslova Kantona Sarajevo.

6.1 Saradnja s drugim organima i tijelima i postupanje u oblasti radno-pravnog statusa uposlenika Uprava policije

Tokom izvještajnog perioda, prema dinamici u skladu s potrebama i Planom rada za 2024. godinu, Policijski komesar je donio 594 rješenja za uposlenike Uprave policije MUP-a Kantona Sarajevo, koja proizilaze iz radno-pravnog statusa.

U pogledu upravnog rješavanja, u izvještajnom periodu postupljeno je po žalbama na rješenje prvostepenog organa u predmetu izdavanja odobrenja za nabavljanje oružja B kategorije u skladu sa Zakonom o držanju i nošenju oružja i municije ("Službene novine Kantona Sarajevo", br. 1/18, 13/18 i 30/19) i Zakona o upravnom postupku ("Službene novine Federacije BiH", br. 2/98, 48/99 i 61/22), te je pritom doneseno 7 drugostepenih rješenja i to: 5 rješenja kojim se poništava rješenje prvostepenog organa, a predmet vraća prvostepenom organu na ponovni postupak i 2 rješenja kojima se žalba odbija kao neosnovana.

U izvještajnom periodu Policijski komesar donio je rješenje o imenovanju Radne grupe za analizu postojećih i izradu odgovarajućeg propisa o ishrani policijskih službenika za vrijeme terenske obuke.

Također, predstavnici Uprave policije MUP-a Kantona Sarajevo određeni su kao članovi Radne grupe za analizu dosadašnje primjene Zakona o unutrašnjim poslovima Kantona Sarajevo i Zakona o policijskim službenicima Kantona Sarajevo.

Policijski komesar je u izvještajnom periodu naložio realizaciju aktivnosti i provođenje procedura Javnog konkursa za popunu slobodnih radnih mjesta policijskih službenika Uprave policije MUP-a KS u činu "Policajac" i „Mlađi inspektor“.

U izvještajnom periodu Policijski komesar je naložio realizaciju aktivnosti u cilju sprovođenja procedura internog unapređenja policijskih službenika u činove: „Samostalni inspektor“, „Viši inspektor“, „Mlađi inspektor“ i „Stariji policajac“.

6.2. Zakonitost u radu

U izvještajnom periodu Jedinica za profesionalne standarde, Odjeljenje za unutrašnju kontrolu evidentirala je ukupno 88 predstavi na rad i ponašanje policijskih službenika Uprave policije. Sa sadržajem predstavi koje su podnesene od strane građana upoznat je Odbor za žalbe javnosti Skupštine Kantona Sarajevo, te je donesen zaključak da se u 57 slučajeva vrše provjere, u 31 slučaju da se provede unutrašnja istraga, dok je u 3 slučaja utvrđeno da zaprimljena predstavka nema obilježje žalbe - predstavke vezane za povredu službene dužnosti.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Od ukupno 88 zaprimljenih predstavlki, 75 predstavlki je podneseno od strane građana, a 13 predstavlki predstavljaju saznanje iz službe.

U izvještajnom periodu okončane su 24 unutrašnje istrage, koje su zaključene sljedećim ocjenama: 5 "osnovana", 2 "neosnovane", 6 "bez dovoljno dokaza", 4 "odustanak od predstavke", 2 "obustava"- iz razloga što je policijskom službeniku prestao radni odnos, dok je u 5 slučajeva donesen zaključak o prekidu internog postupka (unutrašnje istrage), zbog postojanja osnova sumnje da je pored povrede službene dužnosti počinjeno i krivično djelo.

U izvještajnom periodu nije bila registrovanih predstavlki koje imaju „obilježja korupcije”.

6.2.1.Pregled povreda službene dužnosti:

a) Teža povreda službene dužnosti:

- u jednoj unutrašnjoj istrazi utvrđeno je postojanje osnova sumnje da je jedan policijski službenik počinio težu povredu službene dužnosti iz člana 103. stav (1) tačka i) "Nepoduzimanje ili nedovoljno poduzimanje mjera u okviru vlastitih dužnosti neophodnih za osiguravanje objekata, lica i povjerenih sredstava i stvari", Zakona o policijskim službenicima Kantona Sarajevo („Službene novine Kantona Sarajevo”, br. 38/18, 26/19 i 39/20);

- u jednoj unutrašnjoj istrazi utvrđeno je postojanje osnova sumnje da je jedan policijski službenik počinio težu povredu službene dužnosti iz člana 103. stav (1) tačka h) "Ponašanje koje narušava ugled policijskog organa", Zakona o policijskim službenicima Kantona Sarajevo („Službene novine Kantona Sarajevo”, br. 38/18, 26/19 i 39/20);

- u jednoj unutrašnjoj istrazi utvrđeno je postojanje osnova sumnje da je jedan policijski službenik počinio težu povredu službene dužnosti iz člana 103. stav (1) tačka a) "Neizvršavanje, nesavjesno, neblagovremeno i nepažljivo izvršavanje službenih zadataka" i tačka i) "Nepoduzimanje ili nedovoljno poduzimanje mjera u okviru vlastitih dužnosti neophodnih za osiguravanje objekata, lica i povjerenih sredstava i stvari", Zakona o policijskim službenicima Kantona Sarajevo („Službene novine Kantona Sarajevo”, br. 38/18, 26/19 i 39/20).

b) Lakša povreda službene dužnosti:

- u izvještajnom periodu Policijski komesar je donio dva rješenja kojima se izriče disciplinska sankcija za lakšu povredu službene dužnosti, i to za povredu službene dužnosti kvalifikovanu kao „druga činjenja ili nečinjenja koja su u suprotnosti sa odredbama propisa kojim je reguliran rad policijskog organa i policijskih službenika“. Jedno rješenje je postalo pravosnažno do 30.09.2024. godine. U odnosu na navedene povrede službene dužnosti izrečene su ukupno dvije disciplinske sankcije i to: "novčana kazna u iznosu od 15% jedne osnovne mjesečne plaće policijskog službenika".

U izvještajnom periodu, Odjeljenje za unutrašnji nadzor, koordinaciju i usmjeravanje izvršilo je ukupno 9 unutrašnjih nadzora. Prilikom vršenja unutrašnjeg nadzora, inspektori Odjeljenja su svim organizacionim jedinicama koje su bile predmet unutrašnjeg nadzora dali preporuke i smjernice za striktno pridržavanje zakonskih i podzakonskih propisa koji uređuju ovu oblast.



6.3. Finansije, nabavka opreme i materijalno-tehničkih sredstava

U skladu s odobrenim Budžetom Kantona Sarajevo za 2024. godinu, izvršen je obračun i isplata plaće zaposlenicima Uprave policije za mjeseci juni, juli i august 2024. godine, po osnovici od 385,00 KM, primjenom novog Kolektivnog ugovora između Vlade Kantona Sarajevo i Sindikata policije Kantona Sarajevo („Službene novine Kantona Sarajevo”, broj 4/24), Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 4/22, 8/22, 21/22, 46/22 i 28/24), te Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo”, broj 51/23).

U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), Kabinetu ministra Ministarstva unutrašnjih poslova Kantona Sarajevo, Policijski komesar je uputio ukupno 9 različitih akata, dok je u istom periodu Ministarstvu finansija Kantona Sarajevo, uputio ukupno 23 akta koji su vezane za finansije, nabavku opreme i materijalno-tehničkih sredstava.

6.4. Javne nabavke Uprave policije MUP-a Kantona Sarajevo

Prema odredbama Zakona o unutrašnjim poslovima Kantona Sarajevo, Policijski komesar je odlučivao o korištenju sredstava i vršenju nabavki opreme i materijalno-tehničkih sredstava u skladu s namjenom odobrenih sredstava na budžetskoj poziciji Uprave policije. Nadalje, shodno odredbama Zakona o javnim nabavkama, Uprava policije Ministarstva unutrašnjih poslova Kantona Sarajevo, kao ugovorni organ, pokretala je postupke javne nabavke donošenjem odluke o pokretanju postupka javne nabavke.

6.4.1. Faze pokrenutih postupaka

U izvještajnom periodu, provedene su određene faze postupaka javne nabavke roba i usluga, pokrenutih na osnovu odluka Policijskog komesara, a odnose se na provođenje: Otvorenog postupka 6, ograničenog postupka 5, konkurentnog zahtjeva 2 postupka.

6.4.2. Završeni postupci javne nabavke

Postupci javnih nabavki roba i usluga koji su završeni u izvještajnom periodu su sljedeći: Otvorenog postupka 20 i direktnog sporazuma 4. postupka.

6.4.3. Zaključeni ugovori

Nakon donošenja odluke Policijskog komesara o odabiru najpovoljnije ponude, odnosno na osnovu okvirnih sporazuma koji su zaključeni u ranijem periodu, u izvještajnom periodu kao Policijski komesar u ime ugovornog organa, zaključeno je 10 ugovora za javnu nabavku roba i usluga.

Aneks II Zakona o javnim nabavkama

U skladu sa Pravilnikom o postupku dodjele ugovora o uslugama iz Anexa II Zakona o javnim nabavkama u izvještajnom periodu izvršena je nabavka i zaključena 2 ugovora.

6.5. Izvještavanje, zaštita tajnih podataka i informisanje javnosti

U skladu s odredbama Instrukcije o hitnom, tekućem, povremenom i statističkom izvještavanju Uprave policije MUP-a Kantona Sarajevo, Policijski komesar je poduzimao mjere i radnje na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

uspostavljenom sistemu zaštite ličnih podataka, kao i po dostignutom stepenu razvoja sistema zaštite tajnih podataka. U vezi s navedenim, u izvještajnom periodu, naložio je sačinjavanje 11 različitih akata.

Sačinjeno je 2.291 uvjerenje o činjenicama iz kaznene i prekršajne evidencije na zahtjev građana, te je izvršeno 14.854 provjera iz službenih evidencija za potrebe tužilaštava, sudova, drugih policijskih agencija i drugih organa. Pokrenuto je 36 upravnih postupaka brisanja osuda iz kaznene evidencije: 13 po službenoj dužnosti i 23 po zahtjevu stranke. Doneseno je 51 rješenje o brisanju osude iz kaznene evidencije.

U oblasti zaštite tajnih podataka, u izvještajnom periodu doneseno je ukupno 101 rješenje o nepostojanju sigurnosnih smetnji za pristup tajnim podacima, te jedno rješenje o zabrani pristupa tajnim podacima, dok je

Komisiji za rješavanje žalbi u postupku sigurnosnog provjeravanja Vijeća ministara Bosne i Hercegovine, od strane Uprave policije proslijeđena je jedna žalba na rješenja o postojanju sigurnosne smetnje za pristup tajnim podacima.

Za ukupno 263 uposlenika pokrenute su procedure na popunjavanju sigurnosnih upitnika od strane uposlenika, dok su prema Državnoj agenciji za istrage i zaštitu upućeni zahtjevi za vršenje sigurnosnih provjera za 256 uposlenika, a prema Obavještajno-sigurnosnoj agenciji BiH upućeni su zahtjevi za vršenjem sigurnosnih provjera za 7 uposlenika.

Ministarstvu sigurnosti Bosne i Hercegovine - Sektoru za zaštitu tajnih podataka, upućeni su zahtjevi za izdavanjem dozvola za pristup tajnim podacima za ukupno 60 uposlenika. Broj preuzetih dozvola za izvještajni period od Ministarstva sigurnosti Bosne i Hercegovine je 26.

Policijski komesar je direktno, te posredstvom nadležne organizacione jedinice, Odjeljenja za odnose s javnošću, tokom izvještajnog perioda, nastavio dobru saradnju s medijskim kućama i medijskim profesionalcima u Bosni i Hercegovini i inozemstvu, koji su objavili veći broj vijesti u vezi sa stanjem javnog reda, kriminaliteta i sigurnosti saobraćaja na području Kantona Sarajevo, čime je osiguran zadatak i cilj Uprave policije da objektivno, tačno i precizno informiše javnost o svim sigurnosnim događajima. Tokom izvještajnog perioda naložio je objavu 369 dnevnih vijesti (dnevni bilteni), 46 vijesti i saopštenja za javnost, odobrio davanje 221 izjave za medije i dao saglasnost za učestvovanje u TV i radio emisijama u 06 slučajeva, te realizaciju dvije konferencije za medije. Takođe je naložio da se u formi posebnih saopćenja i/ili objava i informacija, isprate i promoviraju druge aktivnosti u Upravi policije i Ministarstvu. Inicirao sam ažuriranje web-prezentacija MUP-a Kantona Sarajevo, tako da su aktivnosti izvršavane redovno i dinamikom diktiranom tekućim događajima.

6. Migranti

U izvještajnom periodu usmjeravan je rad Operativnog tima za pitanje migranata u rješavanju problematike uzrokovane boravkom i kretanjem migranata na području Kantona Sarajevo, na način da je nalogano vršenje kontrole migranata i provođenje operativnih akcija - provedene su dvije operativne akcije. Policijski službenici Uprave policije izvršili kontrolu ukupno 144 migranta od kojih je 11 lišeno slobode, a evidentirano je počinjenje 16 krivičnih djela.

Prema dostavljenim podacima IOM-a, zaključno sa 30. septembrom 2024. godine na području Kantona Sarajevo boravi 774 migranta, što je za 34,63% manje u odnosu na uporedni period.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

7. Edukacija

Na osnovu planiranih aktivnosti Planom i programom stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2024. godinu, broj: 02/1-2-26/24 od 28.02.2024. godine, kroz programe internog i eksternog stručnog usavršavanja policijskih službenika realizovani su moduli stručnog usavršavanja policijskih službenika Uprave policije za 2024. godinu, kroz koji je prošlo ukupno 77 policijskih službenika.

8. Rad policije u zajednici

Tokom izvještajnog perioda Policijski komesar je dao saglasnost i konkretne upute policijskim službenicima iz Odjeljenja za prevenciju maloljetničkog prijestupništva, nasilja u porodici i rad policije u zajednici, za preduzimanje potrebnih aktivnosti u cilju uspostavljanja što bolje saradnje s građanima, mjesnim zajednicama, školama, predstavnicima vjerskih zajednica, udruženjima građana i nevladinim organizacijama. Policajci u zajednici su svakodnevno na terenu, te kroz proaktivno prisustvo i lične kontakte s građanima, socijalnim radnicima, pedagogima, direktorima i drugim osobljem javnih ustanova i mjesnih zajednica, nastoje stvoriti povoljniji ambijent za život svih kategorija stanovništva, a posebno za manjinske grupe i vulnerabilne kategorije stanovništva. Također, policajci u zajednici su svakodnevnom prisustvom na terenu, redovnim obilascima objekata gdje je povećano prisustvo građana, radili na prevenciji izvršenja krivičnih djela, narušavanja javnog reda i mira, te drugih prekršaja.

9. Evidentirani pozivi javnih preduzeća u KS – zahtjevi za intervenciju

Policijske uprave policije MUP-a Kantona Sarajevo u izvještajnom periodu su evidentirale 314 zahtjeva za intervenciju od strane javnih preduzeća. U svim slučajevima policijski službenici Uprave policije su izašli na teren.

